

Bosna i Hercegovina
Federacija Bosne i Hercegovine
Srednjobosanski Kanton/Kanton Središnja Bosna
KANTONALNI SUD U NOVOM TRAVNIKU
Broj: 06 0 K 007374 14 K
Novi Travnik, 23.01.2015. godine

U IME FEDERACIJE BOSNE I HERCEGOVINE !

Kantonalni sud u Novom Travniku, u vijeću sastavljenom od sudaca Lazarele Porić kao predsjednika vijeća, te Nijaza Krnjić i Mehmedalije Huseinović, kao članova vijeća, uz sudjelovanje Sanele Nesimi, kao zapisničara, u kaznenom predmetu protiv optuženog Drago Vukadinović zbog kaznenog djela „Ratni zločin protiv civilnog stanovništva“ iz članka 142. preuzetog KZ SFRJ u vezi sa člankom 22. istog zakona, optuženog po optužnici Kantonalnog tužiteljstva Travnik broj: T06 0 KTRZ 0006279 12 od 22.09.2014. godine, u odsutnosti uredno obaviještenih stranaka i branitelja, dana 23.01.2015. godine donio je i javno objavio, slijedeću:

PRESUDU

Optuženik:

DRAGO VUKADINOVIĆ, zv. „Dragić“ , sin Mije i majke Jelena, rođene Katava, rođen dana 10.01.1970. godine u mjestu Putiš, općina Busovača, nastanjen u mjestu Putiš bb, općina Busovača, [REDACTED]

KRIV JE

Što je:

Tokom rata u Bosni i Hercegovini i u vrijeme oružanog sukoba između Armije BiH i HVO-a na području Busovače, kao pripadnik HVO-a i to Centar SISA zbornu područje Vitez, postupao suprotno odredbama Zajedničkog člana 3., člana 42. i 43., te člana 147. Ženevske konvencije o zaštiti civilnih osoba tokom rata od 12.08.1949. i člana 4.stav 1. i 2. tačka a) Dodatnog protokola II uz Ženevske konvencije o zaštiti žrtava nemeđunarodnih oružanih sukoba od 8.juna 1977.godine, te je zajedno sa drugim nepoznatim pripadnicima HVO-a, kršio pravila međunarodnog prava prema civilnom stanovništvu na način da je mučio, nanosio teške tjelesne povrede, nečovječno postupao, i pljačkao imovinu civilnog stanovništva, pa je tako :

I) Krajem aprila i početkom maja mjeseca 1993.godine, u mjestu Luke, općina Busovača, nakon što su bili odvedeni i zatvoreni suprug i sinovi Šahze Neslanović u logor Kaonik u Busovači, dolazio zajedno sa drugim nepoznatim pripadnicima HVO-a u dva navrata u kuću Šahze Neslanović gdje su joj zajedno prijetili i vršili pretres kuće, pljačkali stvari uključujući ličnu garderobu i tehničke stvari, videorekoder, parfeme, garderobu, da bi joj Drago Vukadinović prijetio i govorio „Šta čekaš balinkuro, odlazi odavde, ovo je naša zemlja“, izazivajući veliki strah i duševnu bol kod oštećene Šahze Neslanović.

II) Neutvrđenog dana tokom juna mjeseca 1993.godine u poslijepodnevnom satima, u mjestu Luke, općina Busovača, zajedno sa drugim nepoznatim pripadnikom HVO-a nakon što su dovezli jednu hrvatsku porodicu izbjeglu iz mjesta Čukle do kuće Šahze Neslanović, Drago Vukadinović je na istu fizički nasrnuo, tako što ju je udario rukama i nogama po cijelom tijelu nanijevši joj teške tjelesne povrede u vidu nasilnog krvarenja iz ženskih organa i bubrega, zatim je silom istjerao iz njene kuće, pri tome prijeteci, da će joj ubiti sina koji je bio zatvoren u logoru u Kaoniku u Busovači, nazivajući je pogrđnim imenima, da bi u njenu kuću uselio porodicu hrvatske nacionalnosti iz mjesta Čukle, a Šahzi Neslanović naredio da ode u kuću Fatime i Asima Bajramovića, da bi sutra došao u prijepodnevnom časovima, zajedno sa drugim nepoznatim vojnicima HVO-a do kuće Fatime Bajramović u kojoj se nalazila Šahza Neslanović, pa je naredio Fatimi Bajramović da izađe iz kuće, a zatim je na spratu kuće udario Šahzu Neslanović po čitavom tijelu i držeći je za kosu udario njenom glavom od drveni sto, dok je Asim Bajramović bio u dvorištu i slušao zapomaganje i jauke Šahze Neslanović, pa je Drago Vukadinović udarajući istu prijetio joj i tražio da mu da pare i zlato govoreći da će je zaklati, nakon čega je nepoznati vojnik HVO-a našao pare koje je Šahza Neslanović ranije sakrila u sećiju u kući Fatime Bajramović, u iznosu od 16.500,00 DM, koje je potom uzeo Drago Vukadinović, da bi nakon toga zajedno sa drugim nepoznatim pripadnicima HVO-a, napustili kuću, nakon čega je Šahza Neslanović napustila mjesto Luke i područje općine Busovača.

Dakle, za vrijeme rata u Bosni i Hercegovini, u vrijeme oružanog sukoba između Armije BiH i HVO-a, kao pripadnik HVO-a i to centar SISA zbornu područje Vitez, kršeći pravila međunarodnog humanitarnog prava, prema civilnom stanovništvu pljačkao imovinu, mučio, nanosio teške tjelesne povrede, nečovječno postupao prema Šahzi Neslanović.

čime je počinio kazneno djelo "Ratni zločin protiv civilnog stanovništva" iz člana 142. preuzetog KZ SFRJ u vezi sa članom 22. KZ SFRJ

Pa sud optuženika za počinjeno kazneno djelo uz primjenu odredbi članka 42., 43., 49., 50. tačka b/ i članka 51. stav 1. tačka b/ KZ F BiH, kao i uz primjenu odredbe članka 300. ZKP F BiH

OSUĐUJE

Na kaznu zatvora u trajanju od 2 /dvije/ godine

Temeljem odredbi članka 202. stav 4. ZKP F BiH optuženik se djelimično, oslobađa od obveze naknade troškova kaznenog postupka, koji se odnose na obavezu plaćanja nagrade i nužnih izdataka postavljenog branitelja, dok se istovremeno obvezuje na naknadu paušala u iznosu od 60,00 KM, sve u roku 15 dana po pravomoćnosti Presude.

Temeljem odredbe čl. 212. stav 3. ZKP F BiH optuženik se obvezuje da oštećenoj Šahzi Neslanović naknadi štetu u iznosu od 16.500,00 KM, dok se sa viškom odštetnog zahtjeva oštećena upućuje na građansku parnicu.

Zapisničar

Sanela Nesimi

Predsjednik vijeća

Lazarela Porić